



ПСАЛТИРЬ

Сборник
Псалтирь

«Издательство Сретенского Монастыря»

Сборник

Псалтирь / Сборник — «Издательство Сретенского Монастыря»,

ISBN 978-5-7533-1636-3

Рекомендовано к публикации Издательским советом Русской Православной
Церкви

ISBN 978-5-7533-1636-3

© Сборник
© Издательство Сретенского
Монастыря

Содержание

ПСАЛТИРЬ	5
Молитвы перед началом чтения Псалтири	6
Кафисма первая	8
Кафисма вторая	12
Кафисма третья	16
Кафисма четвертая	21
Кафисма пятая	26
Кафисма шестая	30
Конец ознакомительного фрагмента.	32

ПСАЛТИРЬ



Молитвы перед началом чтения Псалтири

Священник начинает:

Благословен Бог наш, всегда, ныне и присно, и во веки веков.

Если нет священника, начинаем:

Молитвами святых отец наших, Господи Иисусе Христе, Боже наш, помилуй нас. Аминь.

Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое

Святый Боже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном)*

Слава Отцу и Сыну и Святому Духу, и ныне и присно и во веки веков. Аминь.

Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды)* Слава, и ныне:¹

Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропари сия, глас 6-й:

Помилуй нас, Господи, помилуй нас, всякаго бо ответа недоумеюще, сию Ти молитву яко Владыце грешнии приносим: помилуй нас.

Слава: Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.

И ныне: Многая множества моих, Богородице, прегрешений, к Тебе прибегох, Чистая, спасения трбуя: посети немощствующую мою душу и моли Сына Твоего и Бога нашего дати ми оставление, яже содеях любых, Единая Благословенная.

Господи, помилуй. *(40 раз)*

¹ Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

Молитва Святей Живоначальной Троице

Всесвятая Троице, Бже и Содетелю всего мира, поспеши и направи сердце мое, начать с разумом и кончать дела благими богодухновенными сия книги, яже Святой Дух усты Давидовы отрыгну, ихже ныне хочу глаголати аз, недостойный, разумя же свое невежество, припадая молюся Ти, и еже от Тебе помощи прося: Господи, управи ум мой и утверди сердце мое, не о глаголании устен стужати си, но о разуме глаголемых веселитися, и приготовитися на творение добрых дел, яже учуся, и глаголю: да добрыми делы просвещен, на судищи десныя Ти страны причастник буду со всеми избранными Твоими.

И ныне, Владыко, благослови, да воздохнув от сердца, и языком воспую, глаголя сие:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Теперь немного подожди, пока не утихнут все чувства и тогда начинай без спешки и лености, с умилением и сокрушенным сердцем. Читай «Блажен муж...» тихо и разумно, со вниманием, и не торопясь, чтобы и умом понимать что произносишь.

Кафисма первая

Псалом Давиду, не надписан у еврей, 1

¹Блажен муж, иже не иде на совет нечестивых и на пути грешных не ста, и на седалищи губителей не седе, ²но в законе Господни воля его, и в законе Его поучится день и ночь. ³И будет яко древо, насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. ⁴Не тако нечестивии, не тако, но яко прах, ебоже возметает ветер от лица земли. ⁵Сего ради не воскреснут нечестивии на суд, ниже грешницы в совет праведных. ⁶Яко весть Господь путь праведных, и путь нечестивых погибнет.

Псалом Давиду, 2

¹Вскую шаташася языцы, и людие поучишася тщетным? ²Предсташа царие земстии, и князи собрашася вкупе на Господа и на Христа Его. ³Расторгнем узы их и отвержем от нас иго их. ⁴Живый на Небесех посмеется им, и Господь поругается им. ⁵Тогда возглаголет к ним гневом Своим и яростию Своєю смятет я. ⁶Аз же поставлен есмь Царь от Него над Сионом, горою святою Его, ⁷возвещаяя повеление Господне. Господь рече ко Мне: Сын Мой еси Ты, Аз днесь родих Тя. ⁸Проси от Мене, и дам Ти языки достояние Твое, и одержание Твое концы земли. ⁹Упасеши я жезлом железным, яко сосуды скудельничии сокрушиши я. ¹⁰И ныне, царие, разумейте, накажитесь вси судящие земли. ¹¹Работайте Господеву со страхом и радуйтесь Ему с трепетом. ¹²Приимите наказание, да не когда прогневается Господь, и погибнете от пути праведнаго, егда возгорится вскоре ярость Его. Блажени вси надеющиеся Нань.

¹Псалом Давиду, вегда отбегаше от лица Авессалома, сына своего, 3

²Господи, что ся умножиша стужающие ми? Мнози востают на мя, ³мнози глаголют души моей: несть спасения ему в Бозе его. ⁴Ты же, Господи, Заступник мой еси, слава моя и возносяй главу мою. ⁵Гласом моим ко Господу возвах, и услыша мя от горы святыя Своея. ⁶Аз уснух, и спаш, востах, яко Господь заступит мя. ⁷Не убоюсь от тем людей, окрест нападающих на мя. ⁸Воскресни, Господи, спаси мя, Боже мой, яко Ты поразил еси вся враждующыя ми все: зубы грешников сокрушил еси. ⁹Господне есть спасение, и на людех Твоих благословение Твое.

Слава.²

² На «Славе» Псалтири читается: Слава, и ныне. Аллилуиа, аллилуиа, аллилуиа, слава Тебе, Боже. (Трижды) Слава, и ныне.

¹В конец, в песнях, псалом Давиду, 4

²Внегда призвати ми, услыша мя Бог правды моея, в скорби распространил мя еси, ущедри мя и услыши молитву мою. ³Сынове человечести, доколе тяжкосердии? Вскую любите суету и ищите лжи? ⁴И уведите, яко удивил Господь преподобнаго Своего: Господь услышит мя, внегда воззвати ми к Нему. ⁵Гневайтесь, и не согрешайте, яже глаголете в сердцах ваших, на ложах ваших умилиетесь. ⁶Пожрите жертву правды и уповайте на Господа. ⁷Мнози глаголют: кто явит нам благая? Знаменася на нас свет лица Твоего, Господи. ⁸Дал еси веселие в сердце моем: от плода пшеницы, вина и ела своего умножишася. ⁹В мире вкупе усну и почию, яко Ты, Господи, единого на уповании вселил мя еси.

¹О наследствующем, псалом Давиду, 5

²Глаголы моя внуши, Господи, разумей звание мое. ³Вонми гласу моления моего, Царю мой и Боже мой, яко к Тебе помолюся, Господи. ⁴Завтра услыши глас мой, завтра предстану Ти, и узриши мя. ⁵Яко Бог не хотяй беззакония, Ты еси: не приселится к Тебе лукавнуй, ⁶ниже пребудут беззаконницы пред очима Твоима: возненавидел еси вся делающыя беззаконие. ⁷Погубиши вся глаголющыя лжу: мужа кровей и лстива гнушается Господь. ⁸Аз же множеством милости Твоея, вниду в дом Твой, поклонюся ко храму святому Твоему, в страхе Твоем. ⁹Господи, настави мя правдою Твоею, враг моих ради исправи пред Тобою путь мой. ¹⁰Яко несть во устех их истины, сердце их суетно, гроб отверст гортань их: языки своими льщаху. ¹¹Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. ¹²И да возвеселятся вси уповающие на Тя, во век возрадуются, и вселишися в них, и похвалятся о Тебе любящие имя Твое. ¹³Яко Ты благословиши праведника, Господи: яко оружием благоволения венчал еси нас.

¹В конец, в песнях о осмом, псалом Давиду, 6

²Господи, да не яростию Твоею обличиши мене, ниже гневом Твоим накажешо мене. ³Помилуй мя, Господи, яко немощен есмь, исцели мя, Господи, яко смятошася кости моя. ⁴И душа моя смятется зело: и Ты, Господи, доколе? ⁵Обратися, Господи, избави душу мою: спаси мя ради милости Твоея. ⁶Яко несть в смерти поминаяй Тебе: во аде же кто исповестся Тебе? ⁷Утрудихся воздыханием моим, измыю на всяку ночь ложе мое, слезами моими постелю мою омочу. ⁸Смятется от ярости око мое, обещалх во всех вразех моих. ⁹Отступите от мене, вси делающии беззаконие, яко услыша Господь глас плача моего: ¹⁰услыша Господь моление мое, Господь молитву мою прият. ¹¹Да постыдятся и смятутся вси врази мои, да возвратятся и устыдятся зело вскоре.

Слава:

¹Псалом Давиду, егже воспёт Гбсподеви о словесех Хусиевых, сына Иемениина, 7

²Гбсподи Ббже мой, на Тя уповах, спаси мя от всех гонящих мя и избави мя: ³да не когда похитит яко лев душу мою, не сущу избавляющу, ниже спасающу. ⁴Гбсподи Ббже мой, аще сотвори х сиё, аще есть неправда в руку мою, ⁵аще воздах воздающим ми зла, да отпад убо от враг моих тощ. ⁶Да поженёт убо враг душу мою и да постигнет, и поперёт в землю живёт мой, и славу мою в персть вселит. ⁷Воскресни, Господи, гневом Твоим, вознеси ся в концах враг Твоих, и востани, Господи Ббже мой, повелением, имже заповедал еси. ⁸И сонм людей обыдет Тя, и о том на высоту обрати ся. ⁹Господь судит людем: суди ми, Гбсподи, по правде моей, и по незлобе моей на мя. ¹⁰Да скончается злоба грешных, и исправиши праведнаго, испытай сердце и утробы, Ббже праведно. ¹¹Помощь моя от Бога, спасающаго правых сердцем. ¹²Бог Судитель праведен и крепок, и долготерпелив, и не гнев наводит на всяк день. ¹³Аще не обратитесь, оружие Своё очистит, лук Свой напряжёт и уготова и, ¹⁴и в нем уготова сосуды смертныя, стрелы Своя стараемым содела. ¹⁵Се боле неправдою, зачат болезнь, и роди беззаконие: ¹⁶ров изры, и ископа и, и падёт в яму, юже содела. ¹⁷Обратитесь болезнь его на главу его, и на верх его неправда его снидет. ¹⁸Исповёмся Гбсподеви по правде Его и пою имени Господа Вышняго.

¹В конец, о точилех, псалом Давиду, 8

²Господи, Господь наш, яко чудно имя Твое по всей земли, яко взятся великолепие Твое превыше небес. ³Из уст младенец и ссущих совершил еси хвалу, враг Твоих ради, еже разрушити врага и местника. ⁴Яко узрю небеса, дела перст Твоих, луну и звёзды, яже Ты основал еси. ⁵Что есть человек, яко помниши его? Или сын человек, яко посещаети его? ⁶Умалил еси его малым чим от Ангел, славою и честью венчал еси его. ⁷И поставил еси его над дела руку Твою, вся покорил еси под нозе его. ⁸Овцы и волы вся, еще же и скоты польския, ⁹птицы небесныя, и рыбы морския, переходящая стези морския. ¹⁰Господи, Господь наш, яко чудно имя Твое по всей земли.

Слава:

Трисвятое. Пресвятая Троице... Отче наш...

Тропарі сия, глас 1-й:

В беззаконных зачався аз, блудный, не дерзая взирати на высоту Небесную, но, дерзая на человеколюбие Твое, зову: Ббже, очисти мя, грешнаго, и спаси мя. Аще праведник едва спасается, аз где явлюся, грешный? Тяготы и зноя дневнаго не понесох, но с наёмники единонадесятаго часа сопричти мя, Ббже, и спаси мя.

Слава: Объятия Отча отверсти ми потщися, блудно мое иждих житие, на богатство неиждиваемое взирая щедрот Твоих, Спасе, ныне обнищавшее мое да не презриши сердце. Тебе бо, Господи, умилением зову: согреших на Небо и пред Тобою.

И ныне: Упование христиан, Пресвятая Дево, Егбже родила еси Бога паче ума же и слова, непрестанно моли с горными силами дати оставление грехов нам всем и исправление жития, верою и любовью присно Тя чтущим.

Господи, помилуй. (40 раз)

Молитва

Владыко Вседержителю, Непостижимо, начало света и преумная сила, иже Ипостаснаго Слова Отец и Единосильнаго Твоего Духа испуститель: милосердныя ради милости и неизреченныя благодати не презревый человеческого естества, тмою греха содержамаго, но Божественными светы священныя Твоих учений, законом и пророки светивый миру, последи же нам того Единороднаго Твоего Сына благоволивый плотию возсияти и ко осиянию нас Твоего просвещения наставить: да будут уши Твои внемлюще гласу моления нашего, и даруй нам, Бже, во бденном и трезвенном сердце всю настоящаго жития ночь прейти, ожидающим пришествия Сына Твоего и Бога нашего, Судий всех, да не возлежаще и спяще, но бодрствующе и воздвижени в делание заповедей Твоих обрящемся и в радость Его совнидем, идеже празднующих глас непрестанный, и неизреченная сладость зрящих Твоего лица доброту неизглабланную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Кафисма вторая

¹В конец, о тайных сына, псалом Давиду, 9

²Исповёмся Тебе, Господи, всем сердцем моим, повём вся чудеса Твоя. ³Возвеселюсь и возрадуюся о Тебе, пою имени Твоему, Вышний. ⁴Внегда возвратится врагу моему вспять, изнемогут и погибнут от лица Твоего. ⁵Яко сотворил еси суд мой, и прю мою, сел еси на Престоле, судяй правду. ⁶Запретил еси языком, и погйбе нечестивый, имя его потребил еси в век и в век века. ⁷Врагу оскудеша оружия в конец, и грады разрушил еси, погйбе память его с шумом. ⁸И Господь во век пребывает, уготова на суд Престол Свой, ⁹и Той судити иматъ вселенней в правду, судити иматъ людем в правоте. ¹⁰И бысть Господь прибежище убогому, помощник во благовременних, в скорбех. ¹¹И да уповают на Тя знающии имя Твое, яко не оставил еси взыскающих Тя, Господи. ¹²Пойте Господеву, живущему в Сионе, возвестите во языцех начинания Его. ¹³Яко взыскай кроби их помяну, не забй звания убогих. ¹⁴Помилуй мя, Господи, виждь смирение мое от враг моих, вознось мя от врат смертных. ¹⁵Яко да возвещу вся хвалы Твоя во вратех дщере Сиони, возрадуемся о спасении Твоем. ¹⁶Углеббша языцы в пагубе, юже сотвориша, в сети сей, юже скрыша, увязе нога их. ¹⁷Знаемъ есть Господь судьбы творяй, в делех руку Своею увязе грешник. ¹⁸Да возвратятся грешницы во ад, вси языцы забывающии Бога. ¹⁹Яко не до конца забвен будет нищий, терпение убогих не погибнет до конца. ²⁰Воскресни, Господи, да не крепится человек, да судятся языцы пред Тобою. ²¹Постави, Господи, законоположителя над ними, да разумют языцы, яко человецы суть. ²²Вскую, Господи, отстой далече, презираеши во благовременних, в скорбех? ²³Внегда гордится нечестивому, возграется нищий, увязают в советех, яже помышляют. ²⁴Яко хвалимъ есть грешный в похотех души своея, и обидяй благословимъ есть. ²⁵Раздражи Господа грешный, по множеству гнева своего не взыщет: несть Бога пред ним. ²⁶Оскверняются путие его на всякое время, отъемлются судьбы Твоя от лица его: всеми враги своими обладает. ²⁷Рече бо в сердце своем: не подвижуся от рода в род без зла. ²⁸Егоже клятвы уста его полна суть, и горести и лести, под языком его труд и болезнь. ²⁹Приседит в ловительстве с богатыми в тайных, еже убити неповиннаго, очи его на нищаго призираете. ³⁰Ловит в тайне, яко лев во ограде своей, ловит, еже восхитити нищаго, восхитити нищаго, внегда привлещи и в сети своей. ³¹Смирит его, преклонится и падет, внегда ему обладати убогими. ³²Рече бо в сердце своем: забй Бог, отврати лице Свое, да не видит до конца. ³³Воскресни, Господи, Бже мой, да вознесется рука Твоя, не забуди убогих Твоих до конца. ³⁴Чесо ради прогнева нечестивый Бога? Рече бо в сердце своем: не взыщет. ³⁵Видиши, яко Ты болезнь и ярость смотряеши, да предан будет в руке Твои, Тебе оставлен есть нищий, сиру Ты буди Помощник. ³⁶Сокруши мышцу грешному и лукавому, взыщется грех его и не обрящется. ³⁷Господь Царь во век и в век века, погйбнете языцы от земли Его. ³⁸Желание убогих услышал еси, Господи, уготованию сердца их внят ухо Твое. ³⁹Суди сиру и смирену, да не приложит ктому величатися человек на земли.

В конец, псалом Давиду, 10

¹На Господа упова́х, како рече́те души́ мое́й: превита́й по гора́м, яко птица? ²Яко се грешницы наляко́ша лук, угото́ваша стрéлы в ту́ле, состреля́ти во мра́це пра́вья сердцем. ³Зане́ яже Ты соверши́л еси́, они разруши́ша, пра́ведник же что сотвори́? Госпо́дь во храме святе́м Своем. ⁴Госпо́дь, на Небеси́ Престол Его, очи Его на ни́щаго призира́ете, ве́жди Его испыта́ете сы́ны челове́ския. ⁵Госпо́дь испыта́ет пра́веднаго и нечестиваго, любя́й же неправду ненави́дит свою́ душу. ⁶Одожди́т на грешники сети, огонь и жу́пел, и дух бу́рен, часть чаши их. ⁷Яко пра́веден Госпо́дь, и пра́вды возлюбí, правоты́ ви́де лице́ Его.

Слава:

¹В конец о осмей, псалом Давиду, 11

²Спасí мя, Го́споди, яко оскуде́ преподо́бный, яко ума́лишася и́стины от сыно́в челове́ческих. ³Су́етная глаго́ла кийждо ко искреннему своему: устне́ льсти́выя в сердце, и в сердце глаго́лаша злая. ⁴Потреби́т Госпо́дь вся устны́ льсти́выя, язык велерече́чивый. ⁵Ре́кшыя: язык наш возвели́чим, устны́ наша при нас суть, кто нам Госпо́дь есть? ⁶Страсти ради нищих и воздыха́ния убогих, ны́не воскресну́, глаголет Госпо́дь, положу́ся во спасение, не обвиню́ся о нем. ⁷Словеса́ Господня, словеса́ чи́ста, серебро́ разжже́но, искуше́но земли́, очище́но седмери́цею. ⁸Ты, Го́споди, сохрани́ши ны и соблюде́ши ны от рода сего и во век. ⁹Окрест нечестивии ходят: по высоте́ Твое́й умно́жил еси́ сы́ны челове́ския.

¹В конец, псалом Давиду, 12

²Докóле, Го́споди, забудеши мя до конца? Докóле отвраща́еши лице́ Твое от мене́? ³Докóле положу́ советы́ в души́ мое́й, болезни́ в сердце моем день и ночь? Докóле вознесётся враг мой на мя? ⁴Призри, услы́ши мя, Го́споди, Бо́же мой, просвети́ очи мои, да не когда́ усну́ в смерть, ⁵да не когда́ рече́т враг мой: укрепíхся на него. ⁶Стужа́ющие ми возра́дуются, а́ще подви́жуся. ⁷Аз же на милость Твою́ упова́х. Возра́дуется сердце мое о спасении Твоем, воспую́ Го́сподеву, благода́вшему мне, и пою́ имени́ Господа Вышня́го.

В конец, псалом Давиду, 13

¹Рече́ безу́мен в сердце своем: несть Бог. Раствле́ша и омерзи́шася в начинани́их: несть творя́й благосты́ню. ²Госпо́дь с Небесе́ прини́че на сы́ны челове́ския, видети, а́ще есть разумева́яй или́ взыска́яй Бога. ³Вси уклони́шася, вку́пе неключи́ми бы́ша: несть творя́й благосты́ню, несть до еди́наго. ⁴Ни ли уразуме́ют вси де́лающие беззаконие, снеда́ющие люди́ моя в снeдь хлéба? Го́спода не призва́ша. ⁵Та́мо убоя́шася страха, иде́же не бе́ страх, яко́ Госпо́дь в ро́де праведных. ⁶Совет ни́щаго посрами́те, Госпо́дь же упова́ние его́ есть. ⁷Кто даст от Сиона спасе́ние Изра́илево? ⁸Внегда возврати́т Госпо́дь плене́ние людей Свои́х, возра́дуется Иаков и возвесели́тся Изра́иль.

Слава:

В конец, псалом Давиду, 14

¹Господи, кто обитает в жилищи Твоем? Или кто вселится во святу ю гору Твою? ²Ходяй непорочен и делаяй правду, глаголяй истину в сердце своем. ³Иже не ульсти языком своим, и не сотвори искреннему своему зла, и поношения не прият на ближния своя. ⁴Уничжен есть пред ним лукавнуй, боящя же ся Господа славит, кленыйся искреннему своему и не отмета ся. ⁵Сребра своего не даде в лихву и мзды на неповинных не прият. Творяй сия не подвижится во век.

Столпописание Давиду, 15

¹Сохрани мя, Господи, яко на Тя уповах. ²Рех Господеви: Господь мой еси Ты, яко благих моих не требуеши. ³Святым, иже суть на земли Его, удивил Господь вся хотения Своя в них. ⁴Умножишася немощи их, по сих ускориша: не соберу соборы их от кровей, ни помяну же имен их устнама мойма. ⁵Господь часть достояния моего и чаши моея, Ты еси устраяяй достояние мое мне. ⁶Ужя нападоща ми в державных моих, ибо достояние мое державно есть мне. ⁷Благословлю Господа, вразумившаго мя, еще же и до нощи наказаша мя утробы моя. ⁸Предзрех Господа предо мною выну, яко одесную мене есть, да не подвижуся. ⁹Сего ради возвеселися сердце мое и возрадовался язык мой, еще же и плоть моя вселится на уповании. ¹⁰Яко не оставиши душу мою во аде, ниже даси преподобному Твоему видети истления. ¹¹Сказал ми еси пути живота, исполниши мя веселия с лицом Твоим, красота в деснице Твоей в конец.

Молитва Давиду, 16

¹Услыши, Господи, правду мою, вонми молению моему, внуши молитву мою не во устнах льстивых. ²От лица Твоего судьба моя изыдет, очи мои да видита правоты. ³Искусил еси сердце мое, посетил еси нощию, искусил мя еси, и не обретеса во мне неправда. ⁴Яко да не возглаголют уста моя дел человеческих, за словеса устен Твоих аз сохраних пути жестоки. ⁵Соверши стопы моя во стезях Твоих, да не подвижутся стопы моя. ⁶Аз воззвах, яко услышал мя еси, Боже, приклони ухо Твое мне и услыши глаголы моя. ⁷Удивил милости Твоя, спасаая уповающих на Тя от противящихся деснице Твоей. ⁸Сохрани мя, Господи, яко зеницу ока, в крове крилу Твоею покрыеши мя. ⁹От лица нечестивых, острастших мя, врази мои душу мою одержаша. ¹⁰Тук свой затвориша, уста их глаголаша гордыню. ¹¹Изгоняции мя ныне обыдоша мя, очи свои возложиша уклонити на землю. ¹²Обьяша мя яко лев готов на лов, и яко скимен обитаяй в тайных. ¹³Воскресни, Господи, предвари я, и запни им, избави душу мою от нечестиваго, оружие Твое от враг руки Твоея. ¹⁴Господи, от малых от земли раздели я в животех их, и сокровенных Твоих исполнися чрево их, насытятся сынов, и оставиша останки младенцем своим. ¹⁵Аз же правдою явлюся лицу Твоему, насыщуся, внемда явити ми ся славе Твоей.

Слава:

Трисвятное. Пресвятая Троице... Отче наш...

Тропарі, глас 2-й:

Аз сый дрéво непло́дное, Господи, умилéния плодá не ношú отню́д, и посечéния страшу́ся, и огня́ óнаго бою́ся негасíмага. Темже Тя молю: прéжде óныя нúжды обрати́ и спаси́ мя. Яко вóлны морскíя, на мя востáша беззакóния моя, яко кораблéц в пучíне, аз едíн обурева́юся от прегрешéний многих, но в тихое пристáнище настáви мя, Господи, пока́нием и спаси́ мя.

Слава: Помилуй мя, рече́ Давид, и аз Тебе зову́: согрешíх, Спа́се, грехи́ моя очíстив пока́нием, помилуй мя.

И ныне: Предстáтельство тёплое христиан, Сына Твоего моли́, Богорóдице, всякаго злодéйства и лúбости избавити нас рáтника, и дати́ прощение нам, о нихже согрешíхом, милосéрдия ради шедрóт, Твоими молитвами, Мати́ Дево.

Господи, помилуй. (40 раз)

Молитва

Владýко Вседержителю, Отче Господа нашего Иисуса Христа, Единорóднаго Твоего Сына, даждь ми тело несквёрное, сердце чистое, ум бодр, разум незаблúдный, Духа Свята́го нашéствие, к стяжанию и дово́льству истины во Христе Твоем: с Нíмже Тебе слава подобáет, честь и поклонéние, со Святым Духом, ны́не и прíсно и во веки веков. Аминь.

Кафисма третья

¹В конец, отроку Господню Давиду, яже глагола Господеви словеса песни сея, в день, вонже избави его Господь от руки всех враг его, и из руки Саули, и рече: 17

²Возлюблю Тя, Господи, крепосте моя. ³Господь утверждение мое, и прибежище мое, и Избавитель мой, Бог мой, Помощник мой, и уповаю на Него, Защититель мой, и рог спасения моего, и Заступник мой. ⁴Хвалю призову Господа, и от враг моих спасуся. ⁵Одержаша мя болезни смертныя, и потоцы беззакония смятоша мя, ⁶болезни адовы обидоша мя, предвариша мя сети смертныя. ⁷И вегда скорбети ми, призвах Господа, и к Богу моему возвах, услыша от храма святого Своего глас мой, и вопль мой пред Ним внидет во уши Его. ⁸И подвижеся, и трепетна бысть земля, и основания гор смятошася и подвигошася, яко прогнеवासя на ня Бог. ⁹Взыде дым гневом Его, и огонь от лица Его воспламенится, углие возгореся от Него. ¹⁰И приклони небеса, и сниде, и мрак под ногами Его. ¹¹И взыде на Херувимы, и лете, лете на крилу ветреню. ¹²И положи тму закров Свой, окрест Его селение Его, темна вода во облацех воздушных. ¹³От облистания пред Ним облацы проидоша, град и углие огненное. ¹⁴И возгреме с Небес Господь, и Вышний даде глас Свой. ¹⁵Низпосла стрелы, и разгна я, и молнии умножи, и смяте я. ¹⁶И явися источницы воднии, и открышася основания вселенныя, от запрещенія Твоего, Господи, от дохновения духа гнева Твоего. ¹⁷Низпосла с высоты, и прият мя, восприят мя от вод многих. ¹⁸Избавит мя от врагов моих сильных и от ненавидящих мя, яко утвердишася паче мене. ¹⁹Предвариша мя в день озлобления моего, и бысть Господь утверждение мое. ²⁰И изведе мя на широту, избавит мя, яко восхотел мя. ²¹И воздаст ми Господь по правде моей, и по чистоте руку мою воздаст ми. ²²Яко сохраних пути Господни и не нечествовах от Бога моего. ²³Яко вся судьбы Его предо мною, и оправдания Его не отступиха от мене. ²⁴И буду непорочен с Ним, и сохранюся от беззакония моего. ²⁵И воздаст ми Господь по правде моей и по чистоте руку мою пред очима Его. ²⁶С преподобным преподобен будеши, и с мужем неповинным неповинен будеши, ²⁷и со избранным избран будеши, и со строптивым развратишися. ²⁸Яко Ты люди смиренныя спасеши и очи гордых смириши. ²⁹Яко Ты просветиши светильник мой, Господи, Бже мой, просветиши тму мою. ³⁰Яко Тобою избавлюся от искушения и Богом моим преиду стену. ³¹Бог мой, непорочен путь Его, словеса Господня разжжена, Защититель есть всех уповающих на Него. ³²Яко кто бог, разве Господа? Или кто бог, разве Бога нашего? ³³Бог препоясуяй мя силою, и положи непорочен путь мой. ³⁴Совершаяй ноге мои, яко елени, и на высоких поставляяй мя. ³⁵Научаяй рuce мои на брань, и положил еси лук медян мышца моя. ³⁶И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. ³⁷Уширил еси стопы моя подо мною, и не изнемогосте плесне мои. ³⁸Пожену враги моя, и постигну я, и не возвращуся, дондеже скончуются. ³⁹Оскорблю их, и не возмгут стати, падут под ногами моима. ⁴⁰И препоясал мя еси силою на брань, спял еси вся востающыя на мя под мя. ⁴¹И врагов моих дал ми

еси хребёт, и ненавидящия мя потреби еси. ⁴²Возвѣща, и не бе спасая: ко Господу, и не услыша их. ⁴³И истню я яко прах пред лицом ветра, яко брѣние путѣй поглажду я. ⁴⁴Избавиши мя от пререкания людей, поставиши мя во главу языков. Людие, ихже не ведех, работаша ми. ⁴⁵В слух уха послушаша мя. Сынове чуждїи солгаша ми. ⁴⁶Сынове чуждїи обетшаша и охромѡша от стезь своих. ⁴⁷Жив Господь, и благословѣн Бог, и да вознесѣтся Бог спасѣния моего. ⁴⁸Бог дай отмщѣние мне и покоривый люди под мя. ⁴⁹Избавитель мой от враг моих гневливых, от востающих на мя вознесеши мя, от мужа неправедна избавиши мя. ⁵⁰Сего ради исповѣмся Тебе во языцех, Господи, и имени Твоему пою: ⁵¹величайя спасѣния царѣва, и творяя милость христу Своему Давиду, и семени его до века.

Слава:

¹В конец, псалом Давиду, 18

²Небеса повѣдают славу Божию, творѣние же руку Его возвещает твердь. ³День дни отрыгает глагол, и ночь нощи возвещает разум. ⁴Не суть рѣчи, ниже словеса, ихже не слышатся гласи их. ⁵Во всю зѣмлю изыде вещание их, и в концы вселенныя глаголы их. В солнце положи селение Свое, ⁶и Той, яко Жених исходяй от чертога Своего, возрадуется, яко Исполн теши путь. ⁷От края небесѣ исход Его, и срѣтение Его до края небесѣ, и несть иже укрѣется теплоты Его. ⁸Закон Господень непорочен, обращаая души, свидетельство Господне верно, умудряющее младенцы. ⁹Оправдания Господня права, веселящая сердце, заповѣдь Господня светла, просвѣщающая очи. ¹⁰Страх Господень чист, пребываая в век века: судьбы Господни истинны, оправданы вкупе, ¹¹вожеленны паче злата и камене честна многа и слаждша паче меда и сота. ¹²Ибо раб Твой хранит я, внегда сохранить я, воздаяние много. ¹³Грехопадения кто разумѣет? От тайных моих очисти мя, ¹⁴и от чуждых пощади раба Твоего, аще не обладают мною, тогда непорочен буду и очишуся от греха велика. ¹⁵И будут во благоволение словеса уст моих, и поучѣние сердца моего пред Тобою вѣну, Господи, Помощниче мой и Избавителю мой.

¹В конец, псалом Давиду, 19

²Услышит тя Господь в день печали, защитит тя имя Бога Иаковля. ³Послет ти помощь от Святаго и от Сиона заступит тя. ⁴Помянет всяку жертву твою, и всесожжение твое тушно буди. ⁵Даст ти Господь по сердцу твоему и весь совет твой исполнит. ⁶Возрадуемся о спасѣнии твоём и во имя Господа Бога нашего возвеличимся. Исполнит Господь вся прошѣния твоя. ⁷Ныне познах, яко спасѣ Господь христа Своего, услышит Его с Небесѣ Святаго Своего, в силах спасѣние десницы Его. ⁸Сїи на колесницах, и сїи на конех, мы же во имя Господа Бога нашего призовѣм. ⁹Тїи спяти быша и падѡша, мы же востахом и исправихомся. ¹⁰Господи, спаси царя и услыши ны, вѡньже аще день призовѣм Тя.

¹Псалом Давиду, 20

²Господи, силою Твоею возвеселится царь и о спасѣнии Твоём возрадуется зело. ³Желание сердца его дал еси ему, и хотѣния устнѣ его неси лишил его. ⁴Яко предварил еси

его благословением благостынным, положил еси на главе его венец от камене честна. ⁵Живота просил есть у Тебе, и дал еси ему долготу дней во век века. ⁶Велия слава его спасением Твоим, славу и велеление возложиши на него. ⁷Яко даши ему благословение во век века, возвеселиши его радостью с лицом Твоим. ⁸Яко царь уповаёт на Господа, и милостию Вышняго не подвижится. ⁹Да обрящется рука Твоя всем врагом Твоим, десница Твоя да обрящет вся ненавидящия Тебе. ¹⁰Яко положиши их яко пещь огненную во время лица Твоего, Господь гневом Своим смятёт я, и снесёт их огонь. ¹¹Плод их от земли погубиши, и семя их от сынов человеческих. ¹²Яко уклониша на Тя злая, помыслиша советы, ихже не возмогут составить. ¹³Яко положиши я хребет, во избытцех Твоих уготовиши лице их. ¹⁴Вознесися, Господи, силою Твоею, воспоем и поем силы Твоя.

Слава:

¹В конец, о заступлении утреннем, псалом Давиду, 21

²Боже, Боже мой, вонми ми, вскую оставил мя еси? Далече от спасения моего словеса грехопадений моих. ³Боже мой, воззову во дни, и не услышиши, и в нощи, и не в безумие мне. ⁴Ты же во Святом живёши, хвало Израилева. ⁵На Тя уповаша отцы наши, уповаша, и избавил еси я. ⁶К Тебе возваша, и спасошася, на Тя уповаша, и не постыдешася. ⁷Аз же есмь червь, а не человек, поношение человеков и унижение людей. ⁸Вси видящии мя поругаша ми ся, глаголаша устнами, покиваша главою: ⁹упова на Господа, да избавит его, да спасёт его, яко хощет его. ¹⁰Яко Ты еси исторгий мя из чрева, упование мое от сосцу матери моя. ¹¹К Тебе привержен есмь от ложесн, от чрева матери моя Бог мой еси Ты. ¹²Да не отступиши от мене, яко скорбь близ, яко несть помогай ми. ¹³Обыдоша мя тельцы мнози, юнцы тучнии одержаша мя. ¹⁴Отверзоша на мя уста своя, яко лев восхищай и рыкай. ¹⁵Яко вода излихся, и разсыпашася вся кости моя, бысть сердце мое яко воск, таяй посреде чрева моего. ¹⁶Изше яко скудель крепость моя, и язык мой прильпé гортани моему, и в персть смерти свел мя еси. ¹⁷Яко обыдоша мя пси мнози, сонм лукавых одержаша мя, ископаша рuce мои и нозе мои. ¹⁸Исчетоша вся кости моя, тии же смотриша и презреша мя. ¹⁹Разделиша ризы моя себе, и о одежди моей меташа жребий. ²⁰Ты же, Господи, не удали помощь Твою от мене, на заступление мое вонми. ²¹Избави от оружия душу мою, и из руки пeсии единородную мою. ²²Спаси мя от уст львовых и от рог единорожь смирение мое. ²³Пове́м имя Твое братии моей, посреде цeркве воспою Тя. ²⁴Боящиися Господа, восхвалите Его, все семя Иаковле, прославите Его, да убойтса же от Него все семя Израилево. ²⁵Яко не уничижи, ниже негодова молитвы нищаго, ниже отврати лице Своё от мене, и егда възвах к Нему, услыша мя. ²⁶От Тебе похвала моя, в церкви велицей испове́мся Тебе, молитвы моя воздам пред боящимися Его. ²⁷Ядят убозии и насытятся, и восхвалят Господа взыскающии Егб, жива́ будут сердца их во век века. ²⁸Помянутса и обратятся ко Господу вси концы земли, и поклоняются пред Ним вся отечествия язык. ²⁹Яко Господне есть Царствие, и Той обладает языки. ³⁰Ядоша и поклоняшася вси тучнии земли, пред Ним припадут вси низходящии в зeмлю, и душа моя Тому́ живёт. ³¹И семя мое пораббтает Ему, возвестит Господеви род грядущий. ³²И возвестят правду Его людем рбждшымся, яже сотвори Господь.

Псалом Давиду, 22

¹Господь пасёт мя, и ничто́же мя лишит. ²На месте зла́чне, та́мо всели́ мя, на воде́ покойне́ воспита́ мя. ³Ду́шу мою́ обрати́, наста́ви мя на стези́ пра́вды, и́мене ра́ди Своего. ⁴Аще́ бо и пойду́ посреде́ се́ни сме́ртныя, не убо́юся зла, я́ко Ты со мно́ю еси́, жезл Твой и па́лица Твоя́, та мя утёшиста. ⁵Угото́вал еси́ предо мно́ю трапёзу сопро́тив стужа́ющим мне, ума́стил еси́ е́леом главу́ мою, и чаша Твоя́ упоява́ющи мя, я́ко держа́вна. ⁶И милость Твоя́ поженёт мя вся дни живота́ моего́, и е́же вселити ми ся в дом Господень, в долготу́ дней.

Псалом Давиду, еди́ныя от суббо́т, 23

¹Господня́ земля, и исполне́ние ея́, вселённая и вси живу́щии на ней. ²Той на моря́х основа́л ю́ есть, и на река́х угото́вал ю́ есть. ³Кто взы́дет на го́ру Господню́? Или́ кто ста́нет на ме́сте святе́м Его́? ⁴Непови́нен рука́ма и чист се́рдцем, и́же не прия́т все́е душу́ свою́, и не кля́тся ле́стию и́скреннему́ своему́. ⁵Сей при́имет благослове́ние от Господа, и ми́лостыню́ от Бога, Спа́са своего́. ⁶Сей род и́щущих Господа, и́щущих лице́ Бога Иа́ковля. ⁷Возми́те врата́ кня́зи ва́ша, и возми́тесь врата́ ве́чная, и вни́дет Царь сла́вы. ⁸Кто есть сей Царь сла́вы? Господь кре́пок и си́лен, Господь си́лен в бра́ни. ⁹Возми́те врата́ кня́зи ва́ша, и возми́тесь врата́ вечная, и вни́дет Царь сла́вы. ¹⁰Кто есть сей Царь сла́вы? Господь сил, Той есть Царь сла́вы.

Слава:

Трисвятое. Пресвятая Троице... Отче наш...

Тропа́ри, глас 3-й:

Живу́щи на земли́, душе́ моя, пока́йся: персть во гробе́ не поёт, прегреше́ний не избавляет. Возопи́й Христу́ Богу: Сердцеве́дче, согреша́х, прежде́ даже́ не осуди́ши мя, помилуй мя. Докóле, душе́ моя, пребыва́еши в прегреше́ниях? Докóле приёмлещи́ пока́яния преложё́ние? Приими́ во уме́ суд грядущий и возопи́й Господу́: Сердцеве́дче, согреша́х, прежде́ даже́ не осуди́ши мя, помилуй мя.

Слава: На Страшном Суди́щи без оглаго́льников облича́юся, без свидетелей осужда́юся, книги́ бо со́вестныя разгиба́ются, и дела́ сокрове́нная открываются. Прежде́ не́же во о́ном все-народном позо́рищи и́маши испытати́, я́же мно́ю соде́янная, Бо́же, очисти́ мя и спаси́ мя.

И ныне: Недоразумева́емое и непостижи́мое есть, Влады́чице Богоблагода́тная, соде́ян-ное о Тебе́ страшное таинство: Необъёмлема́го бо, заче́нши, родила́ еси́ плóтию обложё́ннаго от чи́стых крове́й Твоих: Его́же, Чистая, я́ко Сына Твоего́, моли́ спасти́ вся пою́щыя Тя.

Господи, помилуй. (40 раз)

Молитва

Господи́ Вседержи́телю, Сло́ве Пребезнача́льнаго Отца́, самосовершенство́нный Бо́же Иису́се Христе́, милосе́рдия ради́ безприкла́днаго милости́ Твоея́, ника́коже разлуча́йся Твоих рабо́в, но при́сно в них почи́ваяй, не остави́ мя, раба́ Твоего́, Всесвяты́й Царю́, но даждь мне́, недо-стойному́, радование́ спасения́ Твоего́ и просвети́ мой ум светом познания́ Ева́нгелиа́ Твоего́, ду́шу мою́ любовью́ Креста́ Твоего́ обя́жи, тело́ же мое́ Твоим безстра́стием украси́, мысли́

умири́ и но́зе мои сохрани от поползнове́ния, и не погуби́ мя со беззако́ными моими, Благо́й Господи, но искуси́ мя, Бо́же, и вразуми́ сердце мое, испытай́ мя и увéждь стези́ моя, и ви́ждь, а́ще путь беззакония во мне, и отврати́ от него, и наста́ви мя на путь вéчен. Ты бо еси́ Путь, и Истина, и Живот, и Тебе славу возсыла́ем со Безнача́льным Твоим Отце́м и Пресвятым, и Благо́м, и Животворящим Духом, ны́не и присно и во веки веков. Аминь.

Кафисма четвертая

Псалом Давиду, 24

¹К Тебѣ, Господи, воздвигох дѹшу мою, Бѹже мой, на Тя уповах, да не постыжѹся во век, ниже да посмеют ми ся врази мои, ²ибо вси терпящии Тя не постыдятся. ³Да постыдятся беззаконующии вотще. ⁴Пути Твоя, Господи, скажи ми, и стезям Твоим научи мя. ⁵Настави мя на истину Твою, и научи мя, яко Ты еси Бог Спас мой, и Тебе терпех весь день. ⁶Помяни щедроты Твоя, Господи, и милости Твоя, яко от века суть. ⁷Грех юности моея, и неведения моего не помяни, по милости Твоей помяни мя Ты, ради благодати Твоея, Господи. ⁸Благ и прав Господь, сего ради законоположит согрешающим на пути. ⁹Наставит кроткия на суд, научит кроткия путем Своим. ¹⁰Вси пути Господни милость и истина, взыскающим завета Его, и свидения Его. ¹¹Ради имени Твоего, Господи, и очисти грех мой, мног бо есть. ¹²Кто есть человек бояйся Господа? Законоположит ему на пути, егже изволи. ¹³Душа его во благих водворится, и семя его наследит землю. ¹⁴Держава Господь боящихся Его, и завет Его явит им. ¹⁵Очи мои выну ко Господу, яко Той исторгнет от сети нозе мои. ¹⁶Призри на мя и помилуй мя, яко единород и нищ есмь аз. ¹⁷Скорби сердца моего умножишася, от нужд моих изведи мя. ¹⁸Видь смирение мое, и труд мой, и остави вся грехи моя. ¹⁹Видь враги моя, яко умножишася, и ненавидением неправедным возненавидеша мя. ²⁰Сохрани дѹшу мою, и избави мя, да не постыжѹся, яко уповах на Тя. ²¹Незлбивии и правии прилеплюхся мне, яко потерпех Тя, Господи. ²²Избави, Бѹже, Израїля от всех скорбей его.

Псалом Давиду, 25

¹Суди ми, Господи, яко аз незлбою моею ходих, и на Господа уповаа, не изнемогу. ²Искуси мя, Господи, и испытай мя, разжи утробы моя, и сердце мое. ³Яко милость Твоя пред очима мойма есть, и благоугодих во истине Твоей. ⁴Не седох с сонмом суетным, и со законопреступными не вниду. ⁵Возненавидех церковь лукавнующих, и с нечестивыми не сяду. ⁶Умью в неповинных руке мои, и обыду жертвенник Твой, Господи. ⁷Еже услышати ми глас хвалы Твоея, и поведати вся чудеса Твоя. ⁸Господи, возлюбих благолепие дому Твоего и место селения славы Твоея. ⁹Да не погубиши с нечестивыми дѹшу мою, и с мужи кровей живот мой. ¹⁰Ихже в руку беззакония, десница их исполнися мзды. ¹¹Аз же незлбою моею ходих, избави мя, Господи, и помилуй мя. ¹²Нога моя ста на правоте: в церквах благословлю Тя, Господи.

Псалом Давиду, прежде помазания, 26

¹Господь просвещение мое и Спаситель мой, когубоюся? Господь Защититель живота моего, от когубо утращуся? ²Внегда приближатся на мя злбующим, еже снести плоти моя, оскорбляющии мя, и врази мой, ти изнемогша и падоша. ³Аще ополчится на мя полк, не убойся сердце мое, аще востанет на мя брань, на Него аз уповаю. ⁴Едино просих от Господа,

то взыщу: еже жити ми в дому Господни вся дни живота моего, зрети ми красоту Господню и посещати храм святой Его. ⁵Яко скры мя в селении Своем в день зол моих, покры мя в тайне селения Своего, на камень вознес мя. ⁶И ныне, се вознес главу мою на враги моя: обидох и пожрох в селении Его жертву хваления и воскликновения, пою и воспую Господеви. ⁷Услыши, Господи, глас мой, имже воззвах: помилуй мя и услыши мя. ⁸Тебе рече сердце мое: Господа взыщу. Взыска Тебе лице мое, лица Твоего, Господи, взыщу. ⁹Не отврати лица Твоего от мене и не уклонися гневом от раба Твоего: помощник мой буди, не отри ни мене, и не остави мене, Боже Спасителю мой. ¹⁰Яко отец мой и матери моя остависта мя, Господь же восприят мя. ¹¹Законоположи ми, Господи, в пути Твоем и настави мя на стезю правую враг моих ради. ¹²Не предаждь мене в души стужающих ми, яко восташа на мя свидетеле неправеднии и солга неправда себе. ¹³Верую видети благая Господня на земли живых. ¹⁴Потерпи Господа, мужайся, и да крепится сердце твое, и потерпи Господа.

Слава:

Псалом Давиду, 27

¹К Тебе, Господи, воззову, Боже мой, да не премолчиши от мене, да не когда премолчиши от мене, и уподоблюся низходящим в ров. ²Услыши, Господи, глас моления моего, внемди молити ми ся к Тебе, внемди воздети ми рuce мой к храму святому Твоему. ³Не привлещи мене со грешники и с делающими неправду не погуби мене, глаголющими мир с ближними своими, злая же в сердцах своих. ⁴Даждь им, Господи, по делу их, и по лукавству начинаний их: по делу руку их даждь им, воздаждь воздаяние их им. ⁵Яко не разумеша в дела Господня и в дела руку Его: разориши я, и не созиждеша я. ⁶Благословен Господь, яко услыша глас моления моего. ⁷Господь Помощник мой и Защититель мой: на Него упова сердце мое, и поможет ми, и процветет плоть моя, и волею моею исповемся Ему. ⁸Господь утверждение людей Своих, и Защититель спасений христа Своего есть. ⁹Спаси люди Твоя и благослови достояние Твое, и упаси я, и возми я до века.

Псалом Давиду, исхода скинии, 28

¹Принесите Господеви, сынове Божии, принесите Господеви сыны овны, принесите Господеви славу и честь. ²Принесите Господеви славу имени Его, поклонитесь Господеви во дворе святем Его. ³Глас Господень на водах, Бог славы возгремет, Господь на водах многих. ⁴Глас Господень в крепости, глас Господень в великолепии. ⁵Глас Господа, сокрушающего кедры, и стрыет Господь кедры Ливанския: ⁶и истнит я яко тельца Ливанска, и возлюбленный яко сын единорожь. ⁷Глас Господа, пресецающего пламень огня. ⁸Глас Господа, стрясаящего пустыню, и стрясет Господь пустыню Каддийскую. ⁹Глас Господень свершающий елени, и открыет дубравы, и в храме Его всякий глаголет славу. ¹⁰Господь потоп населяет, и сядет Господь Царь в век. ¹¹Господь крепость людем Своим даст, Господь благословит люди Своя миром.

¹Псалом пёсни, обновлёния дóму Давидова, 29

²Вознесу Тя, Господи, яко подъял мя еси, и не возвеселил еси врагов моих о мне. ³Господи Бóже мой, возвах к Тебе, и исцелил мя еси. ⁴Господи, возвел еси от ада душу мою, спасл мя еси от низходящих в ров. ⁵Пойте Господеву, преподобнии Егó, и исповедайте память святыни Его. ⁶Яко гнев в ярости Его, и живóт в воли Егó: вóчкер водворится плачь, и заўтра радость. ⁷Аз же рех во обилии моём: не подвижуся во век. ⁸Господи, волею Твоею подаждь доброте моёй силу. Отвратил же еси лице Твое, и бых смущён. ⁹К Тебё, Господи, воззову, и к Богу моему помолюся. ¹⁰Ка́я польза в крови моёй, внегда сходити ми во истление? Еда исповестся Тебё персть, или возвестит истину Твою? ¹¹Слы́ша Господь, и помилова мя: Господь бысть Помощник мой. ¹²Обратил еси плачь мой в радость мне: разстерзал еси вретисще моё, и препоясал мя еси веселием. ¹³Яко да воспоеет Тебё слава моя, и не умилиюся. Господи Бóже мой, во век исповёмся Тебё.

Слава:

¹В конец, псалом Давиду, изступления, 30

²На Тя, Господи, уповах, да не постыжуся во век: правдою Твоею избави мя и измени мя. ³Приклони ко мне ухо Твое, ускори изыти мя, буди ми в Бога Защитителя, и в дом прибежища, еже спасти мя. ⁴Яко держава моя и прибежище моё еси Ты, и имене Твоего ради наставиши мя, и препитаеши мя. ⁵Изведёши мя от сети сея, юже скрыша ми, яко Ты еси Защититель мой, Господи. ⁶В рúце Твои предложу дух мой: избавил мя еси, Господи Бóже истины. ⁷Возненавидел еси хранящия суеты вотще: аз же на Господа уповах. ⁸Возрадуюся и возвеселюся о милости Твоей, яко призрёл еси на смирение моё, спасл еси от нужд душу мою, ⁹и неси мене затворил в руках вражиих, поставил еси на пространне но́зе мои. ¹⁰Помилуй мя, Господи, яко скорблю: смятёся яростию око моё, душа моя и утроба моя. ¹¹Яко исчезе в болезни живот мой и лёта моя в воздыханиих, изнеможе нищетою крепость моя, и кости моя смятóшася. ¹²От всех враг моих бых поношение, и соседом моим зело, и страх знаемым моим: видящии мя вон бежаша от мене. ¹³Забвен бых яко мертв от сердца, бых яко сосуд погублен. ¹⁴Яко слы́шах гаждение многих, живущих окрест, внегда обратиться им вкупе на мя, прияти душу мою совещаща. ¹⁵Аз же на Тя, Господи, уповах, рех: Ты еси Бог мой. ¹⁶В руку Твою жребии мои: избави мя из руки враг моих и от гонящих мя. ¹⁷Просвети лице Твое на раба Твоего, спаси мя милостию Твоею. ¹⁸Господи, да не постыжуся, яко призвах Тя: да постыдятся нечестивии и снйдут во ад. ¹⁹Немы да будут устны льстивыя, глаголющия на праведнаго беззаконие, гордынею и уничижением. ²⁰Коль многое множество бла́гости Твоя, Господи, юже скрыл еси боящимся Тебе, соделал еси уповающим на Тя пред сыны человеческими. ²¹Скряеши их в тайне лица Твоего от мятёжа человеческа, покрыеши их в крове от пререка́ния язык. ²²Благословен Господь, яко удивил милость Свою во граде ограждения. ²³Аз же рех во изступлении моем: отвержен есмь от лица очию Твоею: сего ради услышал еси глас молитвы моея, внегда возвах к Тебе. ²⁴Возлю-

бите Господа, вси преподобнии Его, яко истины взыскаёт Господь, и воздаёт излише творящим гордыню. ²⁵ Мужайтесь, и да крепится сердце ваше, вси уповающие на Господа.

Псалом Давиду, разума, 31

¹ Блажени, ихже оставишася беззакония и ихже прикрывшася греси. ² Блажен муж, емуже не вменит Господь греха, ниже есть во устех его лесь. ³ Яко умолчах, обещаша кости моя, от еже звати ми весь день. ⁴ Яко день и ночь отяготе на мене рука Твоя, возвратихся на страсть, егда унзе ми терн. ⁵ Беззаконие мое познах, и греха моего не покрых, рех: исповем на мя беззаконие мое Господеви, и Ты оставил еси нечестие сердца моего. ⁶ За то помолитесь к Тебе всяк преподобный во время благопотребно: обаче в потопе вод многих к нему не приблизятся. ⁷ Ты еси прибежище мое от скорби обдержавшая мя: радости моя, избави мя от обышедших мя. ⁸ Вразумлю ты и наставляю ты на путь сей, вонже пойдеш, утвержу на тя очи Мои. ⁹ Не будите яко конь и мек, имже несть разума: бродами и уздой челюсти их востыгнеши, не приближающихся к тебе. ¹⁰ Многи раны грешному, уповающего же на Господа милость обидет. ¹¹ Веселитесь о Господе, и радуйтесь, праведнии, и хвалитесь, вси правии сердцем.

Слава:

Трисвятое. Пресвятая Троице... Отче наш...

Тропарі, глас 7-й:

Смирённую мою душу посети, Господи, во гресех все житие иждившую: имже образом блудницу, прими и мене, и спаси мя. Преplывая пучину настоящего жития, помышляю бездну многих моих зол, и не имей окормителя помышлений, Петров провещаваю Ти глас: спаси мя, Христе, спаси мя, Боже, яко Человеколюбец.

Слава: Скоро совнидем в невестник Христов, да вси услышим блаженный глас Христа Бога нашего: приидите, любящие Небесную славу, сопричастницы бывше мудрых дев, уяснившие свещи наша верою.

И ныне: Душе, покайся прежде исхода твоего, суд неумытен грешным есть и нестерпимый. Возопий Господу во умилении сердца: согреших Ти в ведении и не в ведении, Щедрый, молитвами Богородицы ущебри и спаси мя.

Господи, помилуй. (40 раз)

Молитва

Тебе, Господи, Единому Благому и Непамязлобному, исповедаю грехи моя, Тебе припадаю вопия, недостойный: согреших, Господи, согреших и не смею достоин возрети на высоту небесную от множества неправд моих. Но, Господи мой, Господи, даруй ми слезы умиления, Единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет, и никтоже в помощь спутствуяй или избавляяй. Тем припадаю Твоей благодати, не предаждь обидящим мя, ниже да похвалятся о мне врази мои, Благогий Господи, ниже да рекут: в руки наша пришёл еси, и нам предан еси. Ни, Господи, не забуди щедрот Твоих, и не воздаждь ми по беззаконием моим, и не отврати лица Твоего от мене: но Ты, Господи, накажи мя обаче милостию и щедротами. Враг же мой да не возрадуется о мне, но угаси его на мя прещения, и все упраздни его действо, и даждь ми к Тебе путь неукорный,

Благий Господи: занѣже и согрѣшивъ, не прибегохъ ко инѣму врачу, и не прострѣхъ руки моея къ богу чуждѣму, не отрѣни убо молѣния моего, но услыши мя Твоею благагоу, и утверди мое сердце страхомъ Твоимъ, и да будетъ благодать Твоя на мнѣ, Господи, яко огонь попадающагоу нечистыя во мнѣ помысли. Ты бо еси, Господи, светъ, паке всякаго света; радость, паке всякия радости; упокоѣние, паке всякаго упокоѣния; жизнь истинная и спасение, пребывающее во веки вековъ. Аминь.

Кафисма пятая

Псалом Давиду, не надписан у еврей, 32

¹Радуйтесь, праведнии, о Господе, правым подобает похвала. ²Исповедайтесь Господеви в гуслах, во псалтири десятиструннем пойте Ему. ³Воспойте Ему песнь нову, добре пойте Ему со восклицанием: ⁴яко право слово Господне, и вся дела Его в вере. ⁵Любит милостыню и суд Господь, милости Господни исполнь земля. ⁶Словом Господним небеса утвердишася, и духом уст Его вся сила их. ⁷Собираяй яко мех воды морския, полагаяй в сокровищах бездны. ⁸Да убойтся Господа вся земля, от Негоже да подвижутся вси живущии по вселенней. ⁹Яко Той рече, и быша, Той повеле, и создашася. ¹⁰Господь разоряет советы языков, отмечает же мысли людей, и отмечает советы князей. ¹¹Совет же Господень во век пребывает, помышления сердца Его в род и род. ¹²Блажен язык, емуже есть Господь Бог его, люди, яже избра в наследие Себе. ¹³С Небес призреть Господь, виде вся сыны человеческия. ¹⁴От готоваго жилища Своего призреть на вся живущия на земли. ¹⁵Создавый на едины сердца их, разумеаяй на вся дела их. ¹⁶Не спасается царь мною силою, и исполин не спасется множеством крепости своея. ¹⁷Лож конь во спасение, во множестве же силы своея не спасется. ¹⁸Се очи Господни на боящияся Его, уповающия на милость Его. ¹⁹Избавити от смерти души их, и препитати я в глад. ²⁰Душа же наша чаеет Господа, яко Помощник и Защититель наш есть. ²¹Яко о Нем возвеселится сердце наше, и во имя святое Его уповахом. ²²Буди, Господи, милость Твоя на нас, якоже уповахом на Тя.

¹Псалом Давиду, внемди измени лице свое пред Авимелехом, и отпусти его, и отиде, 33

²Благословлю Господа на всякое время, вина хвала Его во устех моих. ³О Господе похвалится душа моя, да услышат кротцыи и возвеселятся. ⁴Возвеличите Господа со мною и вознесем имя Его вкупе. ⁵Взысках Господа и услыша мя, и от всех скорбей моих избави мя. ⁶Приступите к Нему и просветитесь, и лица ваша не постыдятся. ⁷Сей нищий воззва, и Господь услыша и, и от всех скорбей его спасе и. ⁸Ополчится Ангел Господень окрест боящихся Его, и избавит их. ⁹Вкусите и видите, яко благ Господь; блажен муж, иже уповает на Нь. ¹⁰Бойтесь Господа, вси святии Его, яко несть лишения боящимся Его. ¹¹Богатии обнищаша и възалкаша, взыскающии же Господа не лишатся всякаго блага. ¹²Приидите, чада, послушайте мене, страху Господню научу вас. ¹³Кто есть человек хотяй живот, любяй дни видети благи? ¹⁴Удержи язык твой от зла, и устне твои, еже не глаголати лести. ¹⁵Уклонися от зла и сотвори благо. Взыщи мира, и пожен и. ¹⁶Очи Господни на праведныя, и уши Его в молитву их. ¹⁷Лице же Господне на творящия злая, еже потребити от земли память их. ¹⁸Воззваша праведнии, и Господь услыша их, и от всех скорбей их избави их. ¹⁹Близ Господь сокрушенных сердцем, и смиренныя духом спасет. ²⁰Многи скорби праведным, и от всех их избавит я Господь. ²¹Хранит Гос-

подъ вся кости их, ни еди́на от них сокрушится. ²²Смерть грешников люта́, и ненавидя́щие праведнаго прегреша́т. ²³Изба́вит Госпо́дь ду́шы раб Свои́х, и не прегреша́т вси упова́ющи на Не́го.

Слава:

Псалом Давиду, 34

¹Суди́, Госпо́ди, оби́дящя мя, побори́ борю́щя мя. ²Приими́ ору́жие и щит, и востани́ в по́мощь мою́. ³Изсу́ни мечь, и заключи́ сопроти́в гоня́щих мя. Рцы́ души́ мое́й: спасе́ние твое́ есмь аз. ⁴Да посты́дятся и посра́мятся и́щущи ду́шу мою́, да возвратя́тся вспя́ть и посты́дятся мы́слящи ми злая́. ⁵Да бу́дут я́ко прах пред ли́цем ве́тра, и Ангел Госпо́день оскорбля́я их. ⁶Да бу́дет путь их тма́ и по́лзок, и Ангел Госпо́день погоня́я их: ⁷я́ко ту́не скры́ша ми па́губу се́ти свое́я, всу́е поноси́ша души́ мое́й. ⁸Да прииде́т ему́ сеть, ю́же не весть, и лови́тва, ю́же скры́, да обьиме́т и́, и в сеть да впаде́т в ню́. ⁹Душа́ же моя́ возра́дуется о Госпо́де, возвесели́тся о спасе́нии Его́. ¹⁰Вся́ кости́ моя́ реку́т: Госпо́ди, Госпо́ди, кто подобе́н Тебе́? Избавля́яй ни́ща из ру́ки кре́пльших его́, и ни́ща и убо́га от расхища́ющих его́. ¹¹Воста́вше на мя свидете́ле непра́веднии, я́же не ве́дех, вопроша́ху мя. ¹²Возда́ша ми лука́вая воз благая́, и безча́дие души́ мое́й. ¹³Аз же, внегда́ они́ стужа́ху ми, облача́хся во вре́тище, и смиря́х постом́ ду́шу мою́, и молитва́ моя́ в не́дро моё́ возврати́тся. ¹⁴Я́ко бли́жнему, я́ко брату́ на́шему, та́ко угожда́х, я́ко пла́ча и се́туя, та́ко смиря́хся. ¹⁵И на мя возвесели́шася и собра́шася: собра́шася на мя ра́ны, и не позна́х, раздели́шася, и не умили́шася. ¹⁶Искуси́ша мя, подражни́ша мя подражне́нием, поскрежета́ша на мя зу́бы свои́ми. ¹⁷Госпо́ди, когда́ у́зриши? Устрой ду́шу мою́ от злоде́йства их, от лев еди́нородную́ мою́. ¹⁸Испове́мся Тебе́ в церкви́ мно́зе, в лю́бдех тяжце́х восхва́лю Тя. ¹⁹Да не возра́дуются о мне вражду́ющи ми непра́ведно, ненавидя́щие мя ту́не и помиза́ющи очима́. ²⁰Я́ко мне у́бо ми́рная глаго́лаху, и на гнев ле́сти помышля́ху. ²¹Разшири́ша на мя уста́ своя́, ре́ша: благо́же, благо́же, видеша́ очи наши́. ²²Ви́дел еси́, Госпо́ди, да не премолчи́ши. Госпо́ди, не отступи́ от мене́. ²³Востани́, Госпо́ди, и вонми́ суду́ моему́, Бо́же мой и Госпо́ди мой, на прю́ мою́. ²⁴Суди́ ми, Госпо́ди, по правде́ Твое́й, Госпо́ди Бо́же мой, и да не возра́дуются о мне. ²⁵Да не реку́т в сердца́х свои́х: благо́же, благо́же души́ нашей, ниже́ да реку́т: пожро́хом его́. ²⁶Да посты́дятся и посра́мятся вку́пе ра́дующиися злом моим, да облеку́тся в студ и срам велере́чующи на мя. ²⁷Да возра́дуются и возвеселя́тся хотя́щие правды́ мое́я, и да реку́т вы́ну: да возвели́чится Госпо́дь, хотя́щие мира́ рабу́ Его́. ²⁸И язы́к мой поучи́тся правде́ Твое́й, весь день хвалé Твое́й.

¹В конец, отроку Господню Давиду, 35

²Глаго́лет пребеззаконный согреша́ти в себе: несть́ страха́ Божия́ пред очима́ его́. ³Я́ко ульсти́ пред ним обрести́ беззаконие́ свое́ и возненави́дети. ⁴Глаго́лы уст его́ беззаконие́ и лесть, не восхоте́ разумéти еже ублажи́ти. ⁵Беззаконие́ помысли́ на лбжи́ своем: предста́ всякому́ пути́ небла́гу, о злобе́ же не негодова́. ⁶Госпо́ди, на Небеси́ милость́ Твоя́ и истина́ Твоя́ до обла́к. ⁷Правда́ Твоя́ я́ко го́ры Божия́, судьбы́ Твоя́ бездна́ мно́га. Человеки́ и скоты́ спасе́ши, Госпо́ди.

⁸Яко умножил еси милость Твою, Бóже, сынове же человечести в крове крилу Твоею надеяться имут. ⁹Упиются от тука дому Твоего, и потоком сладости Твоея напоиши я. ¹⁰Яко у Тебе источник живота, во свете Твоем узрим свет. ¹¹Пробави милость Твою вѣдущим Тя и правду Твою правым сердцем. ¹²Да не придет мне нога гордыни, и рука грѣшница да не подвижит менѣ. ¹³Тáмо падóша вси дѣлающии беззаконие: изриновѣни быша, и не возмогут стати.

Слава:

Псалом Давиду, 36

¹Не ревнуй лукавнующим, ниже завиди творящим беззаконие. ²Зане́ яко трава скоро и́зсшут, и яко зѣлие злака скоро отпадѹт. ³Упова́й на Господа, и твори́ благосты́ню, и населѣи зѣмлю, и упасѣшися в богатствѣ ея. ⁴Насладѣйся Гóсподеви, и даст ти проше́ния се́рдца твоего. ⁵Открьѣ ко Господу путь твой, и упова́й на Него, и Той сотвори́т: ⁶и изведѣт яко свет правду твою и судьбу́ твою́ яко полѹдне. ⁷Повинѣйся Гóсподеви и умоли́ Его. Не ревнуй спѣющему в пути своем, человеку, творящему законопреступление. ⁸Престáни от гнѣва и остави́ ярость, не ревнуй, еже лукавновати. ⁹Зане́ лукавнующи потребя́тся, терпящии же Господа, тѣи наследят землю. ¹⁰И еще́ ма́ло, и не будет грѣшника: и възыщѣши место его, и не обрящѣши. ¹¹Крѹтцыи же наследят землю и насладѣ́тся о множествѣ мира. ¹²Назира́ет грѣшный праведнаго и поскреже́щѣт нань зубы своими. ¹³Господь же посмеѣ́тся ему, зане́ прозира́ет, яко придет день его. ¹⁴Мечъ извлекѹ́ша грѣшницы, напрягѹ́ша лук свой, низложѣти убо́га и ни́ща, заклáти правыя сердцем. ¹⁵Мечъ их да вни́дет в се́рдца их, и лу́цы их да сокруша́тся. ¹⁶Лучше́ малое праведнику, паче́ богатства грѣшных мно́га. ¹⁷Зане́ мышцы грѣшных сокруша́тся, утвержда́ет же праведныя Господь. ¹⁸Весть Господь пути непорѹбчных, и достоя́ние их в век будет. ¹⁹Не постыда́тся во время лю́тое, и во днѣх гла́да насы́тятся, яко грѣшницы погѣбнут. ²⁰Вразѣ же Господни, кѹпно просла́вится им и вознесѣ́тся, исчеза́юще́ яко дым исчеза́ша. ²¹Заѣмлет грѣшный и не возвратѣ́т, праведный же ще́дрѣт и даѣ́т. ²²Яко благословя́щии Его наследят зѣмлю, кленѹ́щии же Его потребя́тся. ²³От Господа стопы́ человеку исправля́ются, и пути его восхо́щѣт зело́. ²⁴Егда́ падѣ́т, не разбиѣ́тся, яко Господь подкрепля́ет рѹку его. ²⁵Юне́йший бых, ибо́ состаре́хся, и не видѣх праведника оста́влена, ниже́ се́мене его прося́ща хлѣ́бы. ²⁶Весь день мѣлуе́т и взаѣ́м даѣ́т праведный, и се́мя его во благословѣ́ние будет. ²⁷Уклонѣ́йся от зла, и сотвори́ благо, и вселѣ́йся в век века. ²⁸Яко Господь любит суд и не оставѣ́т преподобных Своѣ́их, во век сохраня́тся. Беззаконницы же изженѹ́тся, и се́мя нечестѣ́вых потребѣ́тся. ²⁹Праведницы же наследят землю и вселя́тся в век ве́ка на ней. ³⁰Уста́ праведнаго поуча́тся премѹдрости, и язык его возгла́блет суд. ³¹Закон Бога его в се́рдце его, и не за́пнутся стопы́ его. ³²Сматря́ет грѣшный праведнаго и и́щет еже́ умертвѣ́ти его. ³³Господь же не оставѣ́т его в рѹку́ его, ниже́ осѹ́дит его, егда́ сѹ́дит ему. ³⁴Потерпи́ Господа, и сохрани́ путь Его, и вознесѣ́т тя, еже́ наследѣ́ти землю, внегда́ потребля́тися грѣшником, узриши. ³⁵Видѣх нечестѣ́ваго превознося́щася и вы́сящася, яко́ ке́дры Ливáнскія. ³⁶И мѣ́мо идѹ́х, и се́ не бѣ́, и възска́х его, и не обрѣ́тѣся место его. ³⁷Храни́ незло́бие и ви́ждь правотѹ́, яко́ есть оста́нок человеку́ мирну. ³⁸Беззаконницы же потребя́тся вкѹ́пе: оста́нцы же нечестѣ́вых потребя́тся. ³⁹Спасѣ́ние

же праведных от Господа, и Защититель их есть во время скорби. ⁴⁰И поможет им Господь, и избавит их, и измет их от грешник, и спасет их, яко уповаша на Него.

Слава:

Трисвятое. Пресвятая Троице... Отче наш...

Тропарі, глас 5-й:

Страшный Твой Престол, лукавое мое житіе: и кто мя избавит тогдашняя нужды, аще не Ты помилуеши мя, Христе Бже, яко Щедр и Человеколюбец?

Слава: Попечение жития изгна мя рая, и что сотворю, отчаянный? Сего ради толку во врата и зову: Господи, Господи, отверзи ми покаянием и спаси мя.

И ныне: Кий наречем храм Твой, Богородице? Пристанище ли духовное? Или рай сладости Небесныя, ходатайствен жизни некончаемая? Вся бо имаша добрая, всегда молися Христу спастися душам нашим.

Господи, помилуй. (40 раз)

Молитва

Боже Праведный и Хвальный, Боже Великий и Крепкий, Боже Превечный, услыши грешного мужа молитву в час сей: услыши мя, обещающий услышати во истине Тя призывающих, и не омерзи мя, нечистыя устне имуща и во гресех содержима, упование всех концев земли и странствующих далече. Приими оружие и щит и востани в помощь мою: излей мечь и заключи сопровит гонящих мя. Запрети нечистым духовом от лица безумия моего, и да отлучится от моея мысли дух ненависти и злопомнения, дух зависти и лести, дух боязни и уныния, дух гордости и всякия инья злобы; и да угаснет всякое разжение и движение плоти моея, от дьявольскаго действия составяемое, и да просветится моя душа и тело, и дух светом Твоего Божественнаго познания: да множеством щедрот Твоих достигну соединения веры, в мужа совершенна, в меру возраста, и прославлю со Ангелы и всеми святыми Твоими всесестное и великолепое имя Твое, Отца и Сына и Святаго Духа, ныне и присно и во веки веков. Аминь.

Кафисма шестая

¹Псалом Давиду, в воспоминание о субботе, 37

²Господи, да не яростию Твоею обличиши мене, ниже гневом Твоим накажешо мене.
³Яко стрелы Твоя унзбша во мне, и утвердил еси на мне руку Твою. ⁴Несть исцеления в плоти моей от лица гнева Твоего, несть мира в костех моих от лица грех моих. ⁵Яко беззакония моя превзыдбша главу мою, яко бремя тяжкое отяготеша на мне. ⁶Возсмердеша и согниша раны моя от лица безумия моего. ⁷Пострадах и слякохся до конца, весь день сетуя хождах. ⁸Яко лядвия моя наполнишася поруганий, и несть исцеления в плоти моей. ⁹Озлоблен бых и смирихся до зела, рыках от въздыхания сердца моего. ¹⁰Господи, пред Тобою все желание мое, и въздыхание мое от Тебе не утайся. ¹¹Сердце мое смятеса, остави мя сила моя, и свет очию моею, и той несть со мною. ¹²Друзи мои и искреннии мои прямо мне приближишася и сташа, ¹³и ближнии мои отдалече мене сташа, и нуждахуся ищущии душу мою, и ищущии злая мне глаголаху суетная и льстивным весь день поучахуся. ¹⁴Аз же яко глух не слышах и яко нем не отверзаяй уст своих. ¹⁵И бых яко человек не слышай и не имый во устех своих обличения. ¹⁶Яко на Тя, Господи, уповах, Ты услышиши, Господи Бже мой. ¹⁷Яко рех: да не когда порадуют ми ся врази мои: и внегда подвижатися ногам моим, на мя велеречеваша. ¹⁸Яко аз на раны готов, и болезнь моя предо мною есть выну. ¹⁹Яко беззаконие мое аз возвещу и попекуся о гресе моем. ²⁰Врази же мои живут и укрепишася паче мене, и умножишася ненавидящии мя без правды. ²¹Воздабщии ми злая воз благая оболгаху мя, зане гонях благостыню. ²²Не остави мене, Господи Бже мой, не отступи от мене. ²³Вонми в помощь мою, Господи спасения моего.

¹В конец, Идифуму, песнь Давиду, 38

²Рех: сохраню пути моя, еже не согрешати ми языком моим: положих устам моим хранило, внегда востати грешному предо мною. ³Онемех и смирихся, и умолчах от благ, и болезнь моя обновися. ⁴Согреяся сердце мое во мне, и в поучении моем разгорится огонь. Глаголах языком моим: ⁵скажи ми, Господи, кончину мою и число дней моих, кое есть? Да разумю, что лишаяюся аз? ⁶Се пяди положил еси дни моя, и состав мой яко ничтоже пред Тобою, обаче всяческая суета всяк человек живый. ⁷Убо образом ходит человек, обаче все мятется: сокровиществует, и не вест, кому соберет я. ⁸И ныне кто терпение мое, не Господь ли? И состав мой от Тебе есть. ⁹От всех беззаконий моих избави мя, поношение безумному дал мя еси. ¹⁰Онемех и не отверзох уст моих, яко Ты сотворил еси. ¹¹Отстави от мене раны Твоя: от крепости бо руки Твоея аз исчезох. ¹²Во обличениях о беззаконии наказал еси человека и истаял еси, яко паучину, душу его: обаче все всяк человек. ¹³Услыши молитву мою, Господи, и моление мое внуши, слез моих не премолчи: яко пресельник аз есмь у Тебе и пришлец, якоже вси отцы мои. ¹⁴Ослаби ми, да почию, прежде даже не отыду, и ктому не буду.

¹В конец, псалом Давиду, 39

²Терпя, потерпех Господа, и внят ми, и услыша молитву мою. ³И возведе мя от рова страстей, и от брения тины, и постави на камени ноге мои, и исправи стопы моя, ⁴и вложи во уста моя песнь нбву, пение Богу нашему. Узрят мнози и убоятся, и уповают на Господа. ⁵Блажен муж, емуже есть имя Господне упование его, и не призре в суеты и неистовления ложная. ⁶Многа сотворил еси Ты, Господи, Бже мой, чудеса Твоя, и помышлением Твоим несть кто уподобится Тебе: возвестих и глаголах, умножишася паче числа. ⁷Жертвы и приношения не восхотел еси, тело же свершил ми еси, всесожжений и о гресе не взыскал еси. ⁸Тогда рех: се прииду, в главизне книжне писано есть о мне: ⁹еже сотворити волю Твою, Бже мой, восхотех, и закон Твой посреде чрева моего. ¹⁰Благовестих правду в церкви велицей, се устам моим не возбраню: Господи, Ты разумел еси. ¹¹Правду Твою не скрех в сердце моем, истину Твою и спасение Твое рех, не скрех милость Твою и истину Твою от сонма многа. ¹²Ты же, Господи, не удали щедрот Твоих от мене: милость Твоя и истина Твоя вину да заступите мя. ¹³Яко одержаша мя злая, имже несть числа, постигоша мя беззакония моя, и не возмогах зрети, умножишася паче влас главы моея, и сердце мое остави мя. ¹⁴Благоволи, Господи, избавити мя: Господи, во еже помощи ми вонми. ¹⁵Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. ¹⁶Да примут абие студ свой глаголющии ми: благоже, благоже. ¹⁷Да возрадуются и возвеселятся о Тебе вси ищущии Тебе, Господи, и да рекут вину: да возвеличится Господь, любящии спасение Твое. ¹⁸Аз же нищ есмь и убог, Господь попечется о мне. Помощник мой и Защититель мой еси Ты, Бже мой, не закосни.

Слава:

¹В конец, псалом Давиду, 40

²Блажен разумеваый на нища и убога, в день лют избавит его Господь. ³Господь да сохранит его, и живит его, и да ублажит его на земли, и да не предаст его в руки врагов его. ⁴Господь да поможет ему на одре болезни его: все ложе его обратил еси в болезнь его. ⁵Аз рех: Господи, помилуй мя, исцели душу мою, яко согреших Ти. ⁶Врази мои реша мне злая: когда умрет и погибнет имя его? ⁷

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.